

**DONOSTIA KULTURA ENPRESA ERAKUNDE PUBLIKOAREN KONTRATAZIOKO BARNE**  
**JARRAIBIDEAK.**

**A. APLIKAZIOKO KONTRATAZIO ESPARRUA.**

**B. ERREGULAZIO HARMONIZATUAREN MENDE EZ DAUDEN KONTRATUAK.**

I. Oro har aplikatzekoak diren arauak.

1. KONTRATAZIO ORGANOA.
2. KONTRATISTEK BETE BEHARREKO BETEKIZUNAK.
3. KONTRATUAREN ELEMENTUAK.
4. KONTRATUA PRESTATZEA.
5. KONTRATUA EGITEA.
6. KONTRATUA GAUZATZEA.

II. Plegua.

III. Esleitzeko prozedurak.

1. OBRA KONTRATUAK.
2. GAINERAKO KONTRATUAK (HORNIDURA, ZERBITZUAK ETA BESTELAKOAK).

IV. Errekurtsoak.

**C. ERREGULAZIO HARMONIZATUAREN MENDE DAUDEN KONTRATUAK.**

I. Oro har aplikatzekoak diren arauak.

1. KONTRATISTEK BETE BEHARREKO BETEKIZUNEI DAGOZKIEN BEREZITASUNAK.
2. KONTRATUA PRESTATZEA.
3. KONTRATUA BURUTU ETA FORMALIZATZEA.

II. Plegua.

III. Esleitzeko prozedura.

IV. Errekurtsoak.

1. PRESTAKETA ETA ESLEIPENA.
2. ERAGINAK ETA AMAIERA.

**D. KONTRATATZAILEAREN PROFILA.**

**I. ERANSKINA.**

**II. ERANSKINA.**

**III. ERANSKINA.**

## **DONOSTIA KULTURA ENPRESA ERAKUNDE PUBLIKOAREN KONTRATAZIOKO BARNE JARRAIBIDEAK.**

### **A. APLIKAZIOKO KONTRATAZIO ESPARRUA.**

DONOSTIA KULTURA ENPRESA ERAKUNDE PUBLIKOA (aurrerantzean EEP) toki-erakunde publikoa da eta horren kapital guztia Donostiako Udalarena da.

Kultura- eta jaialdi-arloko udal-eskumenak zuzenean eta modu deszentralizatuan gauzatzera bideratzen du bere jarduera. Hain zuzen ere, kultura-eremuaren plangintza, eraikuntza eta kudeaketa dira bere eskumenak, baita jai-jardueren sustapena eta antolaketa ere. Zehazki, honako helburu hauek ditu:

- a) Kultura- eta jai-arloko premiez arduratzea, donostiarren nortasun-adierazpena diren aldetik. Horretarako, arreta berezia emango dio bertako kulturari, bere adierazpen guztietan; hain zuzen ere, bertako kultura garatu eta sustatzeaz gain, horri buruzko ikerketa eta jakintza ere izango ditu jomugan.
- b) Ekimen zibiko eta herritarrenaren euskarria izatea.
- c) Irabazi-asmorik gabeko kultura-sektoreen jarduerak bultzatzea eta diziplina arteko elkarrizketa sustatzea.
- d) Hirian garatzen diren kultura-, jai- eta aisialdi-jarduerak sustatzea.
- e) Kultura-arloko sorkuntza edo produkziarako laguntza ematea.
- f) Donostiarren kultura-prestakuntzarako laguntza ematea.
- g) Ondare artistiko, zientifiko, teknologiko, natural eta dokumentala sortu, kudeatu eta iraunaraztea.
- h) Hirian kultura-industrien eta kultura-erabilerako ekipamenduen presentzia sustatzea.
- i) Beste Administrazioen titulartasuneko edo udalerriko titulartasun partekatuko azpiegitura handiak bultzatzen parte hartzea.
- j) Kultura-jarduera orok duen giza kolektiboaren kohesio-faktorea erraztea.
- k) Bereziki hizkuntza-helburuak lortzen laguntzea, biztanleria elebiduna kontuan izanik.
- l) Kulturaren ikuskera sortzaile, ireki, plural eta tolerantzia sustatzea.

Sektore Publikoko Kontratuen urriaren 30eko 30/2007 Legeari dagokionez (aurrerantzean SPKL edo Legea), EEP “**sektore publikoaren**” zati da (Lege horren

3.1.c) artikuluan aurreikusitakoaren arabera) eta, Legeari dagokionez Administrazio publikoa ez den arren (3.2 e) artikulua azken paragrafoan aurreikusitakoaren arabera), **“botere esleitzaitzat” hartzeko** Lege horretan aurreikusitako ezaugarriak ditu (Lege horren 3.3 artikulua), eta, horren ondorioz, **SPKLn hartarako ezarritako aginduak aplikatu** behar zaizkio.

EEPk egiten dituen kontratuak **kontratu pribatuak** dira.

EEPk egiten dituen kontratuak honako kategoria hauetan sailkatzen dira:

1. **Legearen eraginpekoak ez diren kontratuak**, eta, beraz, ordenamendu juridikoaren, edo, hala badagokio, aplikatzekoak zaizkion arau berezien eraginpekoak direnak. SPKLren 4. artikuluan deskribatutako kontratuak dira (artikulu hori I. Eranskin gisa atxiki zaie jarraibide hauei). **Jarraibide hauek ez zaizkio aplikatu behar.**
2. **Legearen eraginpeko kontratuak, erregulazio harmonizatukoak ez direnak.** Kontratu guztiak dira, hurrengo kategoriakoak izan ezik. **Jarraibide hauen B atalean** aurreikusitakoa aplikatu behar zaie.
3. **Legearen eraginpeko kontratuak, erregulazio harmonizatukoak direnak. Jarraibide hauen C atalean** aurreikusitakoa aplikatu behar zaie. Honako kontratu hauek dira:
  - 5.150.000 euro edo gehiagoko balio zenbatetsia duten obra-kontratuak<sup>1</sup>.
  - 206.000 euro edo gehiagoko balio zenbatetsia duten hornidura-kontratuak<sup>1</sup>.
  - SPKLren II. Eranskinen 1.-16. kategorietan bildutako eta 206.000 euro edo gehiagoko balio zenbatetsia duten zerbitzu-kontratuak<sup>1</sup>.

Zenbateko horiek guztiak BEZik gabeak dira.

SPKLren 13.2 artikuluan (jarraibide hauei II. Eranskin gisa atxiki zaie) deskribatutako kontratuak ez dira inoiz erregulazio harmonizatuaren mendekoak, edozein zenbatekoa dutela ere, ezta SPKLren II. Eranskinen 17-27 kategorietan bildutakoak ere.

## **B. ERREGULAZIO HARMONIZATUAREN MENDE EZ DAUDEN KONTRATUAK.**

Honako kontratu hauek dira:

- 5.150.000 euro baino gutxiagoko balio zenbatetsia duten obra-kontratuak.

---

<sup>1</sup> Edo SPKLren Hamalagarren Xedapen Gehigarrian aurreikusitakoari jarraiki, Europako Batzordeak aurrerantzean finkatzen duen kopurua.

- 206.000 euro baino gutxiagoko balio zenbatetsia duten hornidura-kontratuak.
- SPKLren II. Eranskineko 1.-16. kategorietan bildutako eta 206.000 euro edo gutxiagoko balio zenbatetsia duten zerbitzu-kontratuak.
- SPKLren II. Eranskineko 17.-27. kategorietan bildutako zerbitzu-kontratuak eta 13.2 artikuluko horretako kontratuak, edozein zenbatekoa dutela ere.

## **I. Oro har aplikatzekoak diren arauak.**

### **1. KONTRATAZIO ORGANOA**

Kontratatzeko ahalmena EEPren Estatutuetan xedatutakoaren baitan arautuko da, baita aplikatzekoak zaizkion zuzenbide pribatuko arauen baitan ere.

Kontratazio Organoa honako hau da:

- a) Entearen diru-sarreraren eta gastuen aurreikuspen-orriko ohiko baliabideen % 5etik beherako zenbatekoa duten kontratatuetan:
  - o Kudeatzailea.
- b) Entearen diru-sarreraren eta gastuen aurreikuspen-orriko ohiko baliabideen % 5etik gorako zenbatekoa duten kontratatuetan:
  - o Lehendakaria.

### **2. KONTRATISTEK BETE BEHARREKO BETEKIZUNAK.**

EEPrekin kontratatu ahal izango dute honako betekizun hauek betetzen eta hori egiaztatzen duten kontratistek:

#### **2.1. Gaitasuna izateko baldintzak.**

Legearen 43. artikuluan aurreikusitakoak dira.

Horri dagokionez, 44. eta 45. artikuluek aplikatu behar dira (Erkidegotik kanpoko enpresei eta bateragarritasun-baldintza bereziei dagokienez, hurrenez hurren).

#### **2.2. Ahalmena.**

Honako artikulua hauetan eskatzen dena da: 46. artikulua (pertsoneko juridikoen ahalmena), 47. artikulua (Erkidegoko enpresen ahalmena) eta 48. artikulua (enpresaburuen batasunen ahalmena).

Ahalmena 61. artikuluari jarraiki egiaztatzen da.

### **2.3. Kontratatzeko debekuaren eraginpean ez egotea.**

Honako artikulua hauek aplikatzen dira: 49.1 artikulua, kontratatze debekuei buruzkoa; eta 62. artikulua, kontratatze debeku horien eraginpean ez egotea frogatzeko moduei buruzkoa.

### **2.4. Gutxieneko kaudimeneko baldintzak.**

Kaudimen ekonomiko, finantzario eta teknikoko gutxieneko baldintzak Klausula Ekonomiko-administratiboan Pleguan kasuan-kasuan ezarritakoak izango dira, eta bertan aurreikusitako moduan egiaztatuko dira.

Plegu horretan, kaudimena justifikatzeko aurkeztu beharreko dokumentuak ez ezik, kaudimen hori egiaztatzen duten gutxieneko atalaseak ere identifikatuko dira.

Honako artikulua hauek aplikatuko dira: 51. artikulua (kaudimene eskakizuna), 52. artikulua (kaudimena kanpoko baliabideen bitartez integratzea) eta 53. artikulua (kaudimen-baldintzen zehaztapena).

### **2.5. Sailkapena.**

Klausula Ekonomiko-administratiboan Pleguan aurreikusi bada besterik ez da eskatuko administrazio-sailkapena.

## **3. KONTRATUAREN ELEMENTUAK.**

### **3.1. Kontratuaren xedea.**

Bere helburu instituzionalak bete eta gauzatzeko kontratuak egitea beharrezkoa denean baino ez ditu egingo kontratuak EEPk. Proiektatutako kontratuaren bidez bete nahi diren premiak zer motatakoak diren eta haien hedapena, baita premia horiek betetzeko

kontratuaren xedearen egokitasuna eta edukia ere, zehatz-mehatz azalduko dira eta kontratua prestatzeko dokumentazioan agerraraziko dira.

Kontratuaren xedea 74. artikuluan xedatutakoa aplikatuz ezarriko da.

### **3.2. Kontratuaren iraupena.**

Kontratuaren iraupena ezartzeko, prestazioak zer motatakoak diren izango du kontuan EEPk, baita finantziario-ezaugarriak eta prestazio horiek egiteko prozesua aldi-aldi konkurrentziaren eraginpean jarri behar direla ere. Horri dagokionez, 23. artikuluan xedatutakoa aplikatuko da.

Egin litezkeen luzapenak, hala badagokio, Klausula Ekonomiko-administratiboen Pleguan aurreikusiko dira, esanbidez aurreikusi ere.

50.000 euro baino gutxiagoko zenbatekoa duten obra-kontratuak eta zuzenean esleitzen den 18.000 euro baino gutxiagoko zenbatekoa duen beste edozein kontratuk (betiere BEZik gabe), ez dute inoiz urtebetetik gorako iraupena izango, eta ez dira luzatuko.

### **3.3. Prezioa.**

75. eta 76. artikuluetan kontratuaren prezioari, zenbatetsitako balioa kalkulatzeari eta lizitazio-aurrekontua zehazteari buruzko arauak aplikatuko dira, eta arau horiei Administrazio Publikoa ez izateagatik egin beharreko egokitzapenak egin beharko zaizkie.

Prezioak berrikusiko dira baldin eta dagokion Klausula Ekonomiko-administratiboen Pleguan aurreikusita badago.

## **4. KONTRATUA PRESTATZEA.**

### **4.1. Eskaera.**

Zuzeneko esleipena egin behar denean izan ezik, kontratazioa hasteko, EEPko barne-langileek jarraibide hauei III. Eranskin gisa atxikitako formularioa bete beharko dute. Formulario horretan, nolahi ere, proiektatutako kontratuaren bidez bete nahi diren premiak zer motatakoak diren eta haien hedapena agerraraziko dira, baita premia horiek betetzeko kontratuaren xedea eta edukia egokiak direla ere.

#### **4.2. Pleguak.**

Klausula Ekonomiko-administratiboen Plegua egin beharko da, nahitaez, 50.000 euro baino gehiagoko zenbatekoa duten obra-kontratueta eta 18.000 euro baino gehiagoko zenbatekoa duten beste kontratueta (betiere BEZik gabe).

Zenbateko hori gainditzen duten kontratueta, Klausula Ekonomiko-administratiboen Pleguarekin batera, Baldintza Teknikoen Plegua aurkeztuko da.

200.000 euro edo gehiagoko zenbatekoa duten obra-kontratuen lizitazioeta eta obrakoak ez diren 60.000 euroko zenbatekoa gainditzen duten kontratuen lizitazioeta, Pleguak berrikusi egingo dira eta horiei buruzko txosten juridikoa egingo da.

Obra-kontratueta, halaber, dagokion Obra Proiektua egingo da. Proiektu horrek, hala badagokio, Baldintza Teknikoen Plegua ordeztuko du.

SPKLren II. Eranskinen 17.-27. kategorietan bildutako zerbitzu-kontratuak, betiere 206.000 euro edo gehiagoko zenbatekoa badute, 121.1 artikuluan aurreikusitakoaren eraginpean ere egongo dira.

#### **5. KONTRATUA EGITEA.**

Kontratuak idatziz formalizatuko dira.

Bidezkoa dela-eta, kontratuak zuzenean esleitzen bada, kontratuak formalizatzeko nahikoa izan daiteke dagokion aurrekontuak egitea eta aurrekontuak onartzen dela idatziz jakinaraztea.

Kontratuetan ez da inola ere Pleguetan aurreikusi ez den eta alderdiei eskubideak eta betebeharrak ezartzen dizkion estipulaziorik, aurkeztutako eskaintzaren eta esleipen-egintzaren zehaztapenak bilduta.

#### **6. KONTRATUA GAUZATZEA.**

Kontratuaren eraginei eta amaierari dagokienez, Pleguetan aurreikusitako aginduak aplikatuko dira (eta hala erabakiz gero, Administrazio Publikoen kontratazio-araudia), eta modu osagarrian, zuzenbide zibila.

Hala ere, eta Hogeita Zortzigarren Xedapen Gehigarrian aurreikusitakoari jarraiki, EEPk egindako kontratuen xede diren prestazioen azpikontratazioa

SPKLren 210. artikuluan xedatutakoaren arabera gauzatuko da. Dena den, artikuluan horren 5. idatz-zatian bildutako kontratatzekei debekuei buruzko aipamenak SPKLren 49.1 artikuluan adierazitako debekuak soilik hartzen ditu eraginpean.

## II. Plegua.

Klausula Ekonomiko-administratiboen Pleguak, prozedura negoziatuak berezkoak dituen berezitasunak barnean hartuta, honako alderdi hauek zehaztuko ditu:

- Kontratazio Organoa.
- Publizitatea, kontratatzailearen profila lortzeko modua eta publizitate-gastuak.
- Kontratuaren xedea eta, hala badagokio, loteak daudela.
- Kontratuaren bitartez bete beharreko premiak eta kontuan hartu beharreko era guztietako faktoreak.
- Oinarrizko lizitazio-aurrekontua, eta, hala badagokio, aurrekontuaren urtekoen araberrako banaketa.
- Kontratu-dokumentazioa.
- Kontratuaren iraupena, luzapenak zehaztuta, halakorik badago.
- Kontratu esleitzeko prozedura: Prozedura irekia, murriztua edo negoziatua.
- Proposamenen aurkezpena:

Aurkezteko modua.

Forma eta edukia (aurkeztu beharreko dokumentazioa).

Aurkezteko epea eta tokia.

- Kontratista:

Ahalmena.

Gaitasuna izateko baldintzak.

Kontratatzekei debekua.

Kaudimen ekonomiko eta finantzarioa (dokumentuak eta gutxienerako atalaseak).

Kaudimen tekniko eta profesionala (dokumentuak eta gutxienerako atalaseak).

- Ebaluazioa eta esleipena:

Esleipen-irizpideak eta irizpide horien haztapena, edo, prozedura negoziatua bada, negoziatutako alderdiak.

Onartutako proposamenak irekitzea.

Kontratuaren esleipena eta horren jakinarazpena.

- Esleipendunak aurkeztu beharreko dokumentazioa eta hartarako epea.
- Kontratua formalizatzea eta hartarako epea.
- Alderdien eskubideak eta betebeharrak.
- Kontratua hartzea eta kontratatutako prestazioaren bermealdia.
- Prezioa ordaintzeko erregimena.
- Kontratua suntsiarazteko arrazoiak.
- Erregimen juridikoa eta jurisdikzioa.

Halaber, Klausula Ekonomiko-administratiboen Pleguak honako alderdi hauek zehaztu ahal izango ditu:

- Finantziarioa.
- Alderak edo hobekuntzak: Halakorik baimentzen ote den adieraztea, horien betekizunak, mugak, modalitateak eta kontratuaren zer alderditan onartzen diren bilduta.
- Prezioen berrikuspena (aplikatu beharreko formula edo indize ofiziala).
- Behin-behineko edo behin betiko bermeak.
- Sailkapena.
- Ahalmenari eta kaudimenari buruzko betekizunak egiaztatzeko dokumentazioa aurkezteko eguna.
- Kontratua aldatzea: Kontratua aldatzeko aukerarik ba ote dagoen eta zer baldintzatan alda daitekeen adieraztea.

- Kontratatari ezarritako konfidentzialtasun-betebeharraren hedapen objektiboa eta denbora-arlokoa.
- Lagapena eta azpikontratazioa: Kontratua lagatzeko betekizunak adieraztea eta kontratistak kontrata ditzakeen prestazioak edo prestazioen ehunekoa zehaztea (SPKLren 209.2.c) eta 210.5 artikuluei dagokienez).
- Berandutzagatiko eta gauzatze akastunagatiko penalizazioak.
- Beste edozein itun, klausula eta baldintza, betiere ordenamendu juridikoa urratzen ez badute.

### **III. Esleitzeko prozedurak.**

SPKLren 175. artikuluan aurreikusitakoa betez, esleitzeko prozedurak adieraziko ditugu segidan, kontratu motak eta kontratuen zenbatekoak kontuan izanik.

Segidan xedatuko den guztia bazter utzi gabe, Kontratazio Organoak lehia-  
elkarrizketa baliatu ahal izango du, 163.-167. artikuluetan aurreikusitako kasuetan eta bertako eraginak izanik.

Halaber, kontratazioa arrazionalizatzeko sistemak baliatu ahal izango ditu (esparru-akordioak, kontratazio-sistema dinamikoak eta kontratazio-zentralak). Kasu horretan, erregulazio harmonizatuaren mende dauden kontratuak esleitzeko 180.-189. artikuluetan aurreikusitakoaren arabera jardun beharko du.

#### **1. OBRA KONTRATUAK.**

##### **1.1. Zenbatekoen arabera bereizketa.**

Obra-kontratuari dagokionez, hiru prozedura erabiliko dira, obraren zenbatekoaren arabera. Hona hemen prozedura horiek:

- a) Gehienez 49.999,99 euroko zenbatekoa duten obra-kontratuak.
- b) 50.000 eurotik 999.999,99 eurora bitarteko zenbatekoa duten obra-kontratuak.

- c) 1.000.000 eurotik 5.149.999,99 eurora bitarteko zenbatekoa duten obra-kontratuak<sup>2</sup>.

Zenbateko horiek guztiak BEZik gabeak dira.

### 1.2. **Gehienez 49.999,99 euroko zenbatekoa duten obra-kontratuak.**

Era horretako kontratuetan, oro har, **zuzeneko esleipena** baliatuko da. Dagokion aurrekontua jaso eta EEPk onartuko du. Ondoren, dagokion kontratua izenpetuko da edo bestela aurrekontu hori esanbidez eta idatziz onartu, eta onartu izana jakinaraziko da.

Kontratua bete dela egiaztatutakoan, prezioa ordainduko da, kontratistak dagokion faktura aurkeztu eta hura onartu ondoren.

Dena den, prozedura negoziatua —irekia edo murriztua— baliatu ahal izango da. Kasu horretan, hurrengo atalean xedatutakoa aplikatuko da.

### 1.3. **50.000 eurotik 999.999,99 eurora bitarteko zenbatekoa duten obra-kontratuak.**

Era horretako kontratuak, berriz, **prozedura negoziatu ireki edo murriztua** izapidetuz esleituko dira, eta Klausula Ekonomiko-administratiboan Pleguan zer prozedura aukeratu den bilduko da.

#### 1.3.1. **Prozedura negoziatua.**

Prozedura negoziatua aukeratuz gero, honako izapide hauek egin beharko dira:

- a) **Eskaera:** Kontratazio-eskaera egiteko, III. Eranskin gisa atxikitako formularioa bete beharko dute EEPko barne-langileek.
- b) **Eskaintzen eskabidea:** Kontratuaren xedea gauzatzeko ahalmena duten hiru enpresari gutxienez eskatuko zaizkie eskaintzak.
- c) **Pleguak:** Klausula Ekonomiko-administratiboan Plegu bat egingo da (jarraibide hauen B ataleko II. epigrafean aurreikusitako edukia bilduta), baita Baldintza Teknikoen Plegu bat edo dagokion Obra Proiektua ere.

---

<sup>2</sup> Edo SPKLren Hamalagarren Xedapen Gehigarrian aurreikusitakoari jarraiki, Europako Batzordeak aurrerantzean finkatzen duen kopurua.

Dokumentu horiek berrikusi egingo dira eta haiei buruzko txosten juridikoa egingo da, kontratuaren zenbatekoa 200.000 eurotik gorakoa bada.

- d) **Publizitatea:** Kontratuaren zenbatekoa 200.000 eurotik gorakoa bada horren lizitazioa eta esleipena argitaratuko dira, kontratatzailearen profilean argitaratu ere.

Hori guztia atal honetako f) idatz-zatian aurreikusitakoa bazter utzi gabe.

- e) **Ebaluazioa:** Klausula Ekonomiko-administratiboen Pleguan enprekin negoziatu beharreko alderdi ekonomiko eta teknikoak zehaztuko dira.

Kontratuaren zenbatekoa 200.000 eurotik gorakoa bada, Klausula Ekonomiko-administratiboen Pleguan kontratua esleitzeko oinarritzat hartuko diren irizpideak ere aurreikusi ahal izango dira. Kasu horretan, 1.4.f) atalean prozedura irekirako eta murrizturako xedatutakoa aplikatuko da.

Sozietateko langile teknikoek esleipen-proposamen arrazoitua egingo dute. Bertan, egindako gonbidapenak, jasotako eskaintzak, eskaintza horiek onartzeko edo atzera botatzeko arrazoiak eta egindako negoziazioak bilduko dituzte.

- f) **Aplika daitezkeen beste kasu batzuk:** 154. artikuluan eta 155. artikuluko a), b) eta c) idatz-zatietan aurreikusitako kontratuetan ere prozedura negoziatua aukeratu ahal izango da, kontratu horien zenbatekoa edozein izanik ere.

Orduan, lizitazio-iragarkia 154. artikuluko a) eta b) idatz-zatietan eta 155. artikuluko a) idatz-zatian bildutako kasuetan soilik argitaratuko da kontratatzailearen profilean.

Klausula Ekonomiko-administratiboen Pleguan edo jarraibide hauetan esanbidez aurreikusi ez denari dagokionez, 153., 160., 161., 162. artikuluetan eta artikuluko horiekin lotura duten gainerako artikuluetan, aurreikusitakoa aplikatuko da, betiere Administrazio Publikoa ez izateagatik egin beharreko aldaketak kontuan hartuta.

### 1.3.2. **Prozedura irekia edo murriztua.**

Prozedura irekia edo murriztua aukeratuz gero, hurrengo atalean xedatutakoa aplikatuko da.

1.4. **1.000.000 eurotik 5.149.999,99 eurora bitarteko zenbatekoa duten obra-kontratuak.**

Era horretako kontratuak, berriz, prozedura **ireki edo murriztua** izapidetuz esleituko dira, eta Klausula Ekonomiko-administratiboen Pleguan zer prozedura aukeratu den bilduko da.

Bai **prozedura irekia**, bai **murriztua**, aukeratuz gero, honako arau hauek aplikatuko dira:

- a) **Eskaera:** Eskaera egiteko, III. Eranskin gisa atxikitako formularioa bete beharko dute EEPko barne-langileek.
- b) **Pleguak:** Klausula Ekonomiko-administratiboen Plegu bat egingo da (jarraibide hauen B ataleko II. epigrafean aurreikusitako edukia bilduta), baita Baldintza Teknikoen Plegu bat edo dagokion Obra Proiektua ere.

Dokumentu horiek berrikusi egingo dira eta haiei buruzko txosten juridikoa egingo da.

- c) **Publizitatea:** Lizitazioa kontratatzailearen profilean eta Gipuzkoako Aldizkari Ofizialean argitaratuko da gutxienez, edo kontratatzailearen profilean eta probintziako egunkari batean, eta egindako aukera Klausula Ekonomiko-administratiboen Pleguan adieraziko da.
- d) **Proposamenak aurkezteko epea:** Proposamenak aurkezteko epea Klausula Ekonomiko-administratiboen Pleguan zehaztuko da, baina ez da inola ere hogeita sei (26) egunetik beherakoa izango, betiere Kontratazio Organoaren iritziz epea murriztea justifikatzen duen salbuespeneko inguruabarririk ez badago.
- e) **Proposamenak aurkezteko modua:** Proposamenak sekretupekoak izango dira eta gutunazal itxietan aurkeztuko dira, Klausula Ekonomiko-administratiboen Pleguan zehazten den moduan.
- f) **Ebaluazioa:** Kontratua esleitzeko oinarritzat hartuko diren irizpideak eta irizpide horien haztapena Kontratazio Organoak zehaztuko ditu, eta iragarkian nahiz Klausula Ekonomiko-administratiboen Pleguan adieraziko dira.

Kontratuaren xedeari zuzenean lotutako irizpideak hartu ahal izango dira kontuan, hala nola kalitatea, prezioa, obraren erabilerari lotutako ordainsariak berrikusteko erabiliko den formula, prestazioa gauzatzeko edo entregatzeko epea, erabilera-kostua, ingurumen-ezaugarriak edo gizarte-eskakizunak betetzeari lotutako ezaugarriak, errentagarritasuna, balio

teknikoa, ezaugarri estetiko edo funtzionalak, ordezeko piezen aukera eta kostua, mantentzea, laguntza teknikoa, saldu osteko zerbitzua, eta antzeko beste alderdi batzuk.

Klausula Ekonomiko-administratiboen Pleguan, Batzorde jakin baten osaera eta eskumenak bilduko dira, aurkeztutako proposamenei buruzko ebaluazio-txosten objektiboa egingo duen eta Kontratazio Organoari esleipen-proposamena helaraziko dion Batzordearen osaera eta eskumenak bildu ere.

Kontratazio Organoak ikuspegi ekonomikotik onena den eskaintza esleituko du, Klausula Ekonomiko-administratiboen Pleguan proposamenak balioesteko aurreikusitako irizpide objektiboei jarraiki eta esleipen-proposamena kontuan hartuta.

Kontratazio Organoak kontratua esleitzeko egin den proposamena aintzat hartzen ez duenean, horren arrazoia azaldu beharko du.

Esleipena kontratatzailearen profilean argitaratuko da.

Pleguan edo jarraibide hauetan esanbidez aurreikusi ez den kasuetan, honako artikulua hauetan aurreikusitakoa aplikatuko da: prozedura irekirako, 141., 142. eta 144. artikuluetan (ezin izango da inola aplikatu adituen batzordearen edo erakunde tekniko espezializatuaren esku-hartzeari buruz aurreikusitakoa) eta 145. artikuluan aurreikusitakoa; prozedura murrizturako, 146., 147., 149., 150., 151., 152. artikuluetan eta horiekin lotura dutela-eta aplika daitezkeen gainerako artikuluetan, aurreikusitakoa. Bi kasuetan, Administrazio Publikoa ez izateagatik dagozkion moldaketak egin beharko dira.

## **2. GAINERAKO KONTRATUAK (HORNIDURA, ZERBITZUAK ETA BESTELAKOAK).**

### **2.1. Zenbatekoen arabera bereizketa.**

Kontratu horiei dagokienez (hornidura, zerbitzuak eta bestelakoak), hiru prozedura erabiliko dira, kontratuen zenbatekoaren arabera. Hona hemen prozedura horiek:

- a) Gehienez 17.999,99 euroko zenbatekoa duten kontratuak.
- b) 18.000 eurotik 99.999,99 eurora bitarteko zenbatekoa duten kontratuak.
- c) 100.000 eurotik 205.999,99 eurora bitarteko hornidura- eta zerbitzu-kontratuak<sup>3</sup>, eta gainerako kontratuak, gehieneko zenbatekorik gabe.

---

<sup>3</sup> Edo SPKLren Hamalagarren Xedapen Gehigarrian aurreikusitakoari jarraiki, Europako Batzordeak aurrerantzean finkatzen duen kopurua.

Zenbateko horiek guztiak BEZik gabeak dira.

## 2.2. **Gehienez 17.999 euroko zenbatekoa duten kontratuak.**

Era horretako kontratuetan, oro har, zuzeneko esleipena baliatuko da. Dagokion aurrekontua jaso eta EEPk onartuko du. Ondoren, dagokion kontratua izenpetuko da edo bestela aurrekontu hori esanbidez eta idatziz onartu, eta onartu izana jakinaraziko da.

Kontratua bete dela egiaztatutakoan, prezioa ordainduko da, kontratistak dagokion faktura aurkeztu eta hura onartu ondoren.

Dena den, prozedura negoziatua —irekia edo murriztua— baliatu ahal izango da. Kasu horretan, hurrengo atalean xedatutakoa aplikatuko da.

## 2.3. **18.000 eurotik 99.999,99 eurora bitarteko zenbatekoa duten kontratuak.**

Era horretako kontratuak, berriz, **prozedura negoziatu ireki edo murriztua** izapidetuz esleituko dira, eta Klausula Ekonomiko-administratiboen Pleguan zer prozedura aukeratu den bilduko da.

### 2.3.1. **Prozedura negoziatua.**

Prozedura negoziatua aukeratuz gero, honako izapide hauek egin beharko dira:

- a) **Eskaera:** Kontratazio-eskaera egiteko, III. Eranskin gisa atxikitako formularioa bete beharko dute EEPko barne-langileek.
  - b) **Eskaintzen eskabidea:** Kontratuaren xedea gauzatzeko ahalmena duten hiru enpresari gutxienez eskatuko zaizkie eskaintzak.
  - c) **Pleguak:** Klausula Ekonomiko-administratiboen Plegu bat egingo da (jarraibide hauen B ataleko II. epigrafean
-

aurreikusitako edukia bilduta), baita Baldintza Teknikoen Plegu bat ere.

Dokumentu horiek berrikusi egingo dira eta haiei buruzko txosten juridikoa egingo da, kontratuaren zenbatekoa 60.000 eurotik gorakoa bada.

- d) **Publizitatea:** Kontratuaren zenbatekoa 60.000 eurotik gorakoa bada horren lizitazioa eta esleipena argitaratuko dira, kontratatzailearen profilean argitaratu ere.

Hori guztia atal honetako f) idatz-zatian aurreikusitakoa bazter utzi gabe.

- e) **Ebaluazioa:** Klausula Ekonomiko-administratiboen Pleguan enpresekin negoziatu beharreko alderdi ekonomiko eta teknikoak zehaztuko dira.

Kontratuaren zenbatekoa 60.000 eurotik gorakoa bada, Klausula Ekonomiko-administratiboen Pleguan kontratua esleitzeko oinarritzat hartuko diren irizpideak ere aurreikusi ahal izango dira. Kasu horretan, 2.4.f) atalean prozedura irekirako eta murrizturako xedatutakoa aplikatuko da.

Sozietateko langile teknikoek esleipen-proposamen arrazoitua egingo dute. Bertan, egindako gonbidapenak, jasotako eskaintzak, eskaintza horiek onartzeko edo atzera botatzeko arrazoiak eta egindako negoziazioak bilduko dituzte.

- f) **Aplika daitezkeen beste kasu batzuk:** 154. artikuluan eta 157. artikuluko a), b) eta c), d) eta e) idatz-zatietan, 158. artikuluko a), b), c) eta d) artikuluetan eta 159. artikuluan, aurreikusitako kontratuetan ere prozedura negoziatua aukeratu ahal izango da, kontratu horien zenbatekoa edozein izanik ere.

Orduan, lizitazio-iragarkia 154. artikuluko a) eta b) idatz-zatietan, 158. artikuluko a) idatz-zatian eta 159. artikuluan, bildutako kasuetan soilik argitaratuko da kontratatzailearen profilean (zenbatekoa dela-eta prozedura negoziatua baliatzen bada, betiere zenbatekoa 60.000 eurotik gorakoa bada).

Klausula Ekonomiko-administratiboen Pleguan edo jarraibide hauetan esanbidez aurreikusi ez denari dagokionez, 153., 160., 161., 162. artikuluetan eta artikuluko horiekin guztiekin lotura duten gainerako artikuluetan, aurreikusitakoa aplikatuko da, betiere Administrazio Publikoa ez izateagatik egin beharreko aldaketak kontuan hartuta.

### 2.3.2. Prozedura irekia edo murriztua.

Prozedura irekia edo murriztua aukeratuz gero, hurrengo atalean xedatutakoa aplikatuko da.

#### 2.4. **100.000 eurotik 205.999,99 eurora bitarteko zenbatekoa duten kontratuak.**

Era horretako kontratuak, berriz, **prozedura ireki edo murriztua** izapidetuz esleituko dira, eta Klausula Ekonomiko-administratiboen Pleguan zer prozedura aukeratu den bilduko da.

Bai prozedura irekia, bai murriztua, aukeratuz gero, honako arau hauek aplikatuko dira:

- a) **Eskaera:** Eskaera egiteko, jarraibide hauei III. Eranskin gisa atxikitako formularioa bete beharko dute EEPko barne-langileek.
- b) **Pleguak:** Klausula Ekonomiko-administratiboen Plegu bat egingo da (jarraibide hauen B ataleko II. epigrafean aurreikusitako edukia bilduta), baita Baldintza Teknikoen Plegu bat ere.

Dokumentu horiek berrikusi egingo dira eta haiei buruzko txosten juridikoa egingo da.

- c) **Publizitatea:** Lizitazioa kontratatzailearen profilean eta Gipuzkoako Aldizkari Ofizialean argitaratuko da gutxienez, edo kontratatzailearen profilean eta probintziako egunkari batean, eta egindako aukera zehatzak Klausula Ekonomiko-administratiboen Pleguan adieraziko da.
- d) **Proposamenak aurkezteko epea:** Proposamenak aurkezteko epea Klausula Ekonomiko-administratiboen Pleguan aurreikusitakoa izango da, baina ez da inola ere hamabost (15) egunetik beherakoa izango, betiere Kontratazio Organoaren iritziz epea murriztea justifikatzen duen salbuespeneko inguruabarririk ez badago.
- e) **Proposamenak aurkezteko modua:** Proposamenak sekretupekoak izango dira eta gutunazal itxietan aurkeztuko dira, Klausula Ekonomiko-administratiboen Pleguan zehazten den moduan.
- f) **Ebaluazioa:** Kontratua esleitzeko oinarritzat hartuko diren irizpideak eta irizpide horien haztapena Kontratazio Organoak zehaztuko ditu, eta iragarkian nahiz Klausula Ekonomiko-administratiboen Pleguan adieraziko dira.

Kontratuaren xedeari zuzenean lotutako irizpideak hartu ahal izango dira kontuan, hala nola kalitatea, prezioa, obraren erabilerari lotutako ordainsariak berrikusteko erabiliko den formula, prestazioa gauzatzeko edo entregatzeko epea, erabilera-kostua, ingurumen-ezaugarriak edo gizarte-eskakizunak betetzeari lotutako ezaugarriak, errentagarritasuna, balio teknikoa, ezaugarri estetiko edo funtzionalak, ordezkoko piezen aukera eta kostua, mantentzea, laguntza teknikoa, saldu osteko zerbitzua, eta antzeko beste alderdi batzuk.

Klausula Ekonomiko-administratiboen Pleguan, Batzorde jakin baten osaera eta eskumenak bilduko dira, aurkeztutako proposamenei buruzko ebaluazio-txosten objektiboa egingo duen eta Kontratazio Organoari esleipen-proposamena helaraziko dion Batzordearen osaera eta eskumenak bildu ere.

Kontratazio Organoak ikuspegi ekonomikotik onena den eskaintza esleituko du, Klausula Ekonomiko-administratiboen Pleguan proposamenak balioesteko aurreikusitako irizpide objektiboei jarraiki eta esleipen-proposamena kontuan hartuta.

Kontratazio Organoak kontratua esleitzeko egindako proposamena aintzat hartzen ez duenean, horren arrazoia azaldu beharko du.

Esleipena kontratatzailearen profilean argitaratuko da.

Pleguan edo jarraibide hauetan esanbidez aurreikusi ez den kasuetan, honako artikulua hauetan aurreikusitakoa aplikatuko da: prozedura irekirako, 141., 142. eta 144. artikuluetan (ezin izango da inola aplikatu adituen batzordearen edo erakunde tekniko espezializatuaren esku-hartzeari buruz aurreikusitakoa) eta 145. artikuluan aurreikusitakoa; prozedura murrizturako, 146., 147., 149., 150., 151., 152. artikuluetan eta horiekin lotura dutela-eta aplikatu daitezkeen gainerako artikuluetan, aurreikusitakoa. Bi kasuetan, Administrazio Publikoa ez izateagatik dagozkion moldaketak egin beharko dira.

#### **IV. Errekurtsoak.**

Kontratu horiek prestatu, esleitu, bete eta amaitzeari, baita kontratuen eraginei dagokienez ere, **jurisdikzio-ordena zibilean** besterik ezin izango da errekurtsua aurkeztu.

Halaber, egindako kontratuen eraginei nahiz kontratuak betetzeari eta amaitzeari dagokienez sortzen diren desadostasunetarako irtenbidea **arbitrajearen** eraginpean jarri ahal izango da, abenduaren 23ko 60/2003 Legean xedatutakoari jarraiki. Orduan, Klausula Ekonomiko-administratiboen

Pleguan agerrarazi beharko da, eta, halakorik ezean, beste edozein kontratu-dokumentutan.

## **C. ERREGULAZIO HARMONIZATUAREN MENDE DAUDEN KONTRATUAK.**

Honako kontratu hauek dira:

- 5.150.000 euro edo gehiagoko balio zenbatetsia duten obra-kontratuak<sup>4</sup>.
- 206.000 euro edo gehiagoko balio zenbatetsia duten hornidura-kontratuak<sup>4</sup>.
- SPKLren II. Eranskineko 1.-16. kategorietan bildutako eta 206.000 euro edo gehiagoko balio zenbatetsia duten zerbitzu-kontratuak<sup>4</sup>.

Hori guztia 13.2 artikuluan bildutako kontratuak izan ezik. Kontatu horiek, edozein balio zenbatetsi dutela ere, ez dira erregulazio harmonizatuaren mendekotzat hartuko.

### **I. Oro har aplikatzekoak diren arauak.**

Erregulazio harmonizatuaren mende dauden kontratuei erregulazio harmonizatuaren mende ez dauden kontratuentzat jarraibide hauen B ataleko I. epigrafean aurreikusitakoa aplikatu behar zaie.

#### **1. KONTRATISTEK BETE BEHARREKO BETEKIZUNEI DAGOZKIEN BEREZITASUNAK.**

##### **1.1. Gaitasuna izateko baldintzei dagozkien berezitasunak.**

43. artikuluan xedatutakoaz gain, 44. artikulua aplikatu behar da (ez da eskatuko Munduko Merkataritza Antolakundearen Kontratazio Publikoari buruzko Akordioa sinatu duten Estatuetakoen enpresei dagokien elkarrekikotasun-txostenik).

##### **1.2. Gaitasuna izateko gutxieneko baldintzei dagozkien berezitasunak.**

---

<sup>4</sup> Edo SPKLren Hamalagarren Xedapen Gehigarrian aurreikusitakoari jarraiki, Europako Batzordeak aurrerantzean finkatzen duen kopurua.

Jarraibide hauen B.I epigrafeko 2.4 atalean xedatutakoaz gain, kaudimena egiaztatzeko baliabideei dagokienez, 63. eta 68. artikulua aplikatuko dira nolana ere.

### **1.3. Kalitate-bermeari buruzko arauak eta ingurumen-kudeaketari buruzko arauak betetzea.**

69. eta 70. artikulua aplikatuko dira kalitate-bermeari buruzko arauak eta ingurumen-kudeaketari buruzko arauak betetzea egiaztatzei dagokionez.

Hartarako aurreikuspenak Klausula Ekonomiko-administratiboan Pleguan ezarriko dira.

## **2. KONTRATUA PRESTATZEA.**

Preskripzio teknikoak ezartzei buruz 101. artikuluan ezarritako arauak aplikatuko dira.

Halaber, honako artikulua hauetan xedatutakoa aplikatuko da: 102. artikuluan (kontratua gauzatzeko baldintza bereziak), 103. artikuluan (zerga-arloari, ingurumen-babesari, eta enplegu eta lan-baldintzei buruzko betebeharren gaineko informazioa), eta 104. artikuluan (lan-kontratuei dagokienez, subrogazio-baldintzei buruzko informazioa).

Kontratua egitea premia geroraezinen bati erantzuteko beharrezkoa bada edo interes publikoko arrazoiak tarteko esleipena azkartu egin behar bada, Kontratazio Organoak kontratua izapidetzea premia kotzat eman ahal izango du, betiere kontratua prestatzeko dokumentazioan behar bezala arrazoituta. Kasu horretan, epeak murrizteari buruz 96.2.b) artikuluan aurreikusitakoa aplikatuko da.

Klausula Ekonomiko-administratiboan Plegua eta Baldintza Teknikoen Plegua berrikusi egingo dira eta haiei buruzko txosten juridikoa egingo da, kasu guztietan.

## **3. KONTRATUA BURUTU ETA FORMALIZATZEA.**

Behin-behineko eta behin betiko esleipena bereizi behar dira. Horri dagokionez, berriz, 135. artikuluan ezarritakoa aplikatuko da.

Kontratua behin betiko esleipenarekin burutu eta idatziz formalizatuko da.

## **II. Plegua.**

Klausula Ekonomiko-administratiboen Pleguak, jarraibide hauen B ataleko II. epigrafean erregulazio harmonizatuaren mende ez dauden kontratuetarako adierazitako alderdiak ez ezik, honako alderdi hauek ere zehatz ditzake:

- Kalitate-bermeari buruzko arauak eta ingurumen-kudeaketari buruzko arauak betetzeari buruzko egiaztapena (SPKLren 69. eta 70. artikuluetan ezarritakoaren arabera).
- Kontratua gauzatzeko baldintza bereziak eta baldintza horiek ez betetzearen ondorioak (SPKLren 102. artikuluan aurreikusitako moduan).
- Zerga-arloari, ingurumena babesteari, eta enplegu eta lan-baldintzei dagozkien betebeharreri buruzko informazioa (SPKLren 103. artikuluan ezarritakoaren arabera).

## **III. Esleitzeko prozedura.**

Erregulazio harmonizatuaren mende dauden kontratuek SPKLren 174. artikuluan ezarritakoari jarraiki esleituko dira, hau da, Administrazio Publikoen kontratuentzat aurreikusitako moduan, betiere honako moldaketa hauek eginez:

- a) Ez da aplikatuko irizpide subjektiboen balioespenerako adituen batzordearen esku-hartzeari buruz 134. artikuluko 2. idatz-zatiko bigarren paragrafoan ezarritakoa.
- b) Ez da aplikatuko eskaintzak anormalak edo neurritz kanpokoak ote diren antzemateko irizpideei buruz 136. artikuluko 1. eta 2. idatz-zatietan ezarritakoa.
- c) Ez da aplikatuko 140. artikuluan kontratuak formalizatzeari buruz ezarritakoa.
- d) Ez da aplikatuko 144. artikuluan proposamenen azterketari eta esleipen-proposamenari buruz ezarritakoa.
- e) Ez da aplikatuko 156. artikuluan zerbitzu publikoen kudeaketa-kontratuak esleitzeko prozedura negoziatua balia daitekeen kasuei buruz ezarritakoa.

Premiazko arrazoiak tarteko Legean ezarritako gutxieneko epeak bete ezin direnean, 96.2.b) artikuluan epeak murrizteari buruz aurreikusitakoa aplikatuko da.

Klausula Ekonomiko-administratiboen Pleguan, Batzorde jakin baten osaera eta eskumenak bilduko dira, aurkeztutako proposamenei buruzko ebaluazio-txosten objektiboa egingo duen eta Kontratazio Organoari esleipen-proposamena helaraziko dion Batzordearen osaera eta eskumenak bildu ere.

Lizitazioa eta esleipena honako toki hauetan argitaratuko dira gutxienez:

- a) Europar Batasunaren Aldizkari Ofizialean eta 309. artikulua aitpatzen duen kontratazio-plataforman edo sozietateari dagokion Administrazio Publikoak kudeatzen duen pareko sisteman.
- b) Europar Batasunaren Aldizkari Ofizialean eta Estatuko Aldizkari Ofizialean.

Halaber, lizitazioko eta behin-behineko nahiz behin betiko esleipeneko iragarpenak kontratatzailearen profilean argitaratuko dira.

#### **IV. Errekurtsoak.**

##### **1. PRESTAKETA ETA ESLEIPENA.**

**Kontratazio-arloko errekurtso berezia** aurkeztu ahal izango da Donostiako Udalean behin-behineko esleipen-erabakien aurka, baita lizitazioa arautzen duten eta prestazioaren ezaugarriak ezartzen dituzten Pleguen eta izapidetze-egintzen aurka ere, baldin eta egintza horiek esleipenari buruzko zuzeneko edo zeharkako erabakirik biltzen badute, prozedurari eustea ezinezko bihurtzen badute, edo defentsa-gabezia eragiten badute edo eskubide edo interes legitimoek kalte konponezina eragiten badiete.

Errekurtso hori SPKLren 37. eta 38. artikuluetan aurreikusitakoari jarraiki izapidetuko da.

Errekurtsoaren ebazpenaren aurka **administrazioarekiko auzi-errekurtsoa** besterik ezin izango da aurkeztu, Administrazioarekiko Auzien Jurisdikzioa arautzen duen uztailaren 13ko 29/1998 Legean xedatutakoari jarraiki.

SPKLren II. Eranskinen 17.-27. kategorietan bildutako zerbitzu-kontratuak, edozein zenbatekoa dutela ere, ez daude erregulazio harmonizatuaren mende; hala ere, kontratu horien zenbatekoa 206.000 euro edo gehiagokoa bada, kontratazio-arloko errekurtso berezia eta administrazioarekiko auzi-errekurtsoa aurkeztu ahal izango da haien aurka, betiere atal honetan aurreikusitako moduan.

##### **2. ERAGINAK ETA AMAIERA.**

Kontratu horien eraginei nahiz kontratuok betetzeari eta amaitzeari dagokienez, **jurisdikzio-ordena zibilean** besterik ezin izango da errekurtsua aurkeztu.

#### **D. KONTRATATZAILEAREN PROFILA.**

EEPk bere kontratzaile-profila zabalduko du Internet bidez, bere kontratu-jarduerari buruzko informazioa gardena izan dadin eta jendeak eskuratzeko aukera izan dezan bermatze aldera.

Kontratzailearen profilean sarbidea izateko modua Pleguetan eta lizitazio-iragarkietan zehaztuko da, besteak beste.

Kontratzailearen profilaren euskarri izango den sistema informatikoak, berriz, bertan biltzen den informazioaren hedapen publikoa noiz hasten den argi eta garbi egiaztatzea ahalbidetzen duen sistemaren bat izan beharko du.

EEPren kontratzailearen profilean honako datu eta informazio hauek argitaratuko dira:

- a) Kontratazioko barne-jarraibide hauek.
- b) Kontratuen lizitazio-iragarkiak, kontratu txikiak eta publizitaterik gabe negoziatutakoak salbu.
- c) Kontratuen behin-behineko eta behin betiko esleipena, kontratu txikiak eta publizitaterik gabe negoziatutakoak salbu.

Halaber, kontratzailearen profilean EEPren kontratu-jarduerari buruzko edozein datu eta informazio bildu ahal izango da, hala nola 125. artikuluan bildutako alde zurreko informazioko iragarkiak, irekitako edo arribideko lizitazioak eta haiei buruzko dokumentazioa, programatutako kontratazioak, esleitutako kontratuak, deuseztatutako prozedurak, Kontratazio Organoarekin harremanetan jartzeko erabil daitezkeen gune eta komunikabideak, etab.

**4. artikulua. Salbuetsitako negozio eta kontratuak.**

1. Lege honen eremutik kanpo utzi dira honako negozio eta harreman juridiko hauek:

a) Funtzionario publikoen zerbitzu-harremana eta lan-legedian araututako kontratuak.

b) Zerbitzu publikoa ematean dautzan harreman juridikoak, betiere zerbitzu publiko horiek erabiltzeko oro har aplikatu beharreko tarifa, tasa edo prezio publikoren bat ordaindu behar badute erabiltzaileek.

c) Estatuko Administrazio Orokorrak Gizarte Segurantzaren, Unibertsitate Publikoen, Autonomia Erkidegoan, Toki Erakundeen, erakunde autonomoen eta gainerako entitate publikoen erakunde kudeatzaile eta zerbitzu komunekin egiten dituen lankidetzeta-hitzarmenak, edo erakunde eta entitate horiek beren artean egiten dituztenak, salbu eta, beren izaera kontuan izanik, Lege honen eraginpeko kontratutzat hartzen badira.

d) Administrazioak pertsona fisiko eta juridikoekin egiten dituen hitzarmenak, hitzarmen horiek arautzen dituzten berriarazko arauak kontuan izanik, baldin eta hitzarmen horien xedea ez badago Lege honetan araututako kontratuetan edo administrazio-arau berezietan bilduta.

e) Europako Ekonomia Erkidegoa Eratzeko Itunaren 296. artikulua eremuan barne hartu eta defentsaren sektorean egiten diren hitzarmenak.

f) Estatuak beste Estatu batzuekin edo nazioarteko zuzenbide publikoko entitateekin egiten dituen akordioak.

g) Merkataritza-, industria- eta finantza-arloko jarduera eta horien pareko jarduera duten eta Administrazio publikoen mende dauden zuzenbide publikoko erakundeen zuzeneko jarduerak jomugan dituzten hornidura-kontratuak, betiere eraginpean hartzen dituzten ondasunak, eraldatuta edo eraldatu gabe, ondare-trafiko juridikora itzultzeko asmotan eskuratu badira, beren helburu bereziei jarraiki, baldin eta erakunde horiek Legeak esleitzen dizkien eskumen espezifikoa baliatuz badihardute.

h) Europako Ekonomia Erkidegoa Eratzeko Itunari jarraiki Erkidegotik kanpoko herrialde batekin edo gehiagorekin egindako nazioarteko akordioaren harira egindako kontratu eta hitzarmen jakin batzuk, hain zuzen ere obra bat elkarrekin egin edo ustiatzeko obrako edo hornidurako kontratu eta hitzarmenak, edo proiektu bat elkarrekin egin edo ustiatzeko egindako zerbitzu-kontratuak.

i) Tropen egonaldia dela-eta egindako nazioarteko akordioaren arabera egindako kontratu eta hitzarmenak.

j) Nazioarteko erakunderen baten prozedura espezifikoa arabera esleitutako kontratu eta hitzarmenak.

k) Arbitraje- eta adiskidetze-zerbitzuei buruzko kontratuak.

l) Balioak edo bestelako finantza-tresnak jaulki, erosi, saldu eta transferitzeari lotutako finantza-zerbitzuekin zerikusia duten kontratuak, bereziki Estatuaren finantza-kudeaketarako eragiketak; baita sektore publikoko ente, erakunde eta entitateek fondoak edo kapitala lortzeko eragiketak, Espainiako Bankuak emandako zerbitzuak, eta diruzaintza-eragiketak ere.

m) Sektore publikoko ente, erakunde edo entitate bat ondasunak edo eskubideak ematera edo

zerbitzuren bat ematera behartzen duten kontratuak, betiere ondasunak eskuratzen dituenak edo zerbitzuak hartzen dituenak, Lege honen mendean dagoen sektore publikoko entitate bat bada, Lege horrek agindutakoa aintzat hartzeko duen betebeharra bazter utzi gabe.

n) Negozio juridikoak, honako kasu honetan: negozio horien baitan, 24.6 artikuluan ezarritakoaren arabera baliabide propioetat eta horren zerbitzu teknikoetat hartzen den entitate bati prestazio jakin bat egitea eskatzen zaionean. Dena den, enkargatu zaizkien prestazioak egiteko baliabide propioetat eta zerbitzu teknikoetat hartzen diren entitateek egin behar dituzten kontratuak Lege honen eraginpean egongo dira, dagokion moduan, betiere kontratuak egiten dituen entitatearen izaera eta kontratuak zein motatakoak diren eta zer zenbateko duten kontuan izanik. Nolanahi ere, Aurretiko Titulu honen II. Kapituluko 2. Atalean ezarritako atalaseak gainditzen dituzten zenbatekoko obra-, zerbitzu- edo hornidura-kontratuen kasuan, zuzenbide pribatuko entitateek, kontratu horiek prestatu eta esleitzeko, 121.1 eta 174. artikuluetan ezarritako arauak bete beharko dituzte.

o) Jabari publikoko ondasunei buruzko baimen eta emakidak, eta 7. artikuluan zehaztutakoak ez diren ondare-ondasunak ustiatzeko kontratuak. Horiek guztiak beren berriazko legediaren arabera arautuko dira, Lege honetan bildutako aginduak aplikatu behar zaizkiela adierazten den kasuetan izan ezik.

p) Ondasun higiezin, balio negoziagarri eta jabetza ukiezinei buruzko salerosketako, dohaintzako, trukaketako eta errentamenduko kontratuak eta parekoak diren gainerako negozio juridikoak, betiere haien xedea ordenagailu-programak ez badira, horiek hornidura- edo zerbitzu-kontratuetatik hartuko baitira, eta, beraz, kontratu pribatuak izango dira beti eta ondare-legediaren baitan arautuko dira. Kontratu horietan ezin izango da Aurretiko Tituluko II. Kapituluko 1. Atalean araututako kontratu tipikoen berezko prestaziorik bildu, prestazio horien balio zenbatetsia negozioaren guztizko zenbatekoaren 100eko 50 baino handiagoa bada, edo ondare-kontratuaren ohiko prestazioarekin 25. artikuluan aurreikusitako moduko lotura eta osagarritasun-harremanik ez badute. Bi kasu horietan, prestazio horiek bereiz kontratatuko dira, Lege honetan ezarritakoari jarraiki.

q) Estatuko Ikerketa Erakunde Publikoek eta Autonomia Erkidegoetako pareko Erakundeek egindako zerbitzu- eta hornidura-kontratuak, betiere ikerketa, garapen eta berrikuntza teknologikoko proiektuak edo zerbitzu teknikoetako proiektuak gauzatzeko beharrezkoak diren prestazio edo produktuei buruzkoak badira, eta horien emaitzen aurkezpena eta lorpena trafikiko juridikoan txerta litezkeen itzulkin zientifiko, teknologiko edo industrialekiko lotura dutenean, baldin eta proiektu horiek lehiaketa-prozesuen bidez esleitu bazaie dagokion Erakundeko ikerketa-taldeei.

2. Aurreko idatz-zatian adierazitako kontratu, negozio eta harreman juridikoak beren arau berezien arabera arautuko dira; Lege honetan bildutako printzipioak, berriz, sortzen diren zalantza eta hutsuneak konpontzeko aplikatuko dira.

**13. artikulua.**

2. Aurreko idatz-zatian adierazitakoa gorabehera, honako kontratu hauek ez dira erregulazio harmonizatuaren mendekotzat hartuko, beren balio zenbatetsia edozein izanik ere:

a) Irratidifusioko erakundeek irratiz emateko programak erosi, garatu, produzitu edo koproduzitzera bideratutako kontratuak, baita irratidifusioko denborari buruzkoak ere.

b) Kontratazio Organoak guztiz ordaindutako ikerketa- eta garapen-kontratuak, betiere horien emaitzak Organo horrek soilik bere jardueran erabiltzeko ez badira.

c) Europako Ekonomia Erkidegoa Eratzeko Itunaren 296. artikulua eremuan barne hartu eta defentsaren sektorean egiten direnak.

d) Sekretupekotzat edo isilpekotzat hartzen direnak, edo indarrean dagoen legediaren arabera gauzatzeko segurtasun-neurri bereziak behar dituztenak, edota Estatuko segurtasunerako funtsezko interesak babestea eskatzen dutenak.

e) Xede nagusitzat Kontratazio Organoei telekomunikazio-sare publikoak erabilgarri jartzeko edo ustiatzeko aukera ematea edo jendeari telekomunikazioetako zerbitzu bat edo gehiago hornitzea dutenak.

### III. ERANSKINA.

Sozietatearen izena [...]		<b>KONTRATAZIO ESKAERA</b>			
Eskatzailea		Arloa		Data	
<b>KONTRATAZIOAREN XEDEA ETA KONTRATU MOTA</b>					
<b>BETE BEHARREKO PREMIEN IZAERA ETA HEDAPENA</b>					
<b>KONTRATUAREN JUSTIFIKAZIOA ETA EGOKITASUNA</b>					
<b>ZEHAZTAPEN TEKNIKO INTERESGARRIAK</b>					
<b>GUTXI GORABEHERAKO PREZIOA</b>					
Arlo eskatzaileko zuzendariaren O.E.			Arlo ekonomikoko zuzendariaren O.E.		
Izena		Izena			
Data		Data			